



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xiiij Felix Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Der Wendisch König hat ein grosse verfolgung der Christen / auß anregung der Arrianischen Secten / angerichtet / Dann er ließ ein Gebott außgehen / daß er keinen an seinem Hofe oder in seinem Land leiden wolt / welcher sich der Arrianischen Secten nit ergeben wolt / Diesem Gebott widerstrebten viel beständiger Christen / Da hat der Tyrän bey vier tausend / neun hundert vnd sechs vnd sechzig Christen / jung vnd alt / jämmerlich lassen tödten / vnd etlich des Lands verwiesen / von Hauß vnd allen iren Haab vnd Gütern verjagt / Vnder denen war auch diser Felix / welcher vier vnd vierzig Jar zu Abderita Bischoff gewest / Victo. lib. 2. de Vandalica persecutione.

Von anderen heyligen Märtyrern so Felix geheissen / wirdt gemelt Trip. lib. 5. cap. 18. lib. 7. cap. 27.

Jocletianus vnd Maximianus / Römische Keyser / grosse Verfolger der Christen / Dise belägerren in Phrygia ein Statt / in welcher ein grosse zal der frommen Christen war. Dise Statt haben sie endlich mit Feuer angezündet / vnd darinn jung vnd alt / Weib vnd Man / jämmerlich verbrennen lassen / Vnder
E ij disem

Fe
G
xiii
Felix.

li
A
xv
Adaus
ctus.